

聞見
辨香
錄

附西湖雜詠
陶錫山書



(一)

聞見輯香錄

附西園雜詠
楊廷言主



四

山西省文獻委員會編

山右叢書初編

趙戴文題



編校姓氏

山西省文獻委員會總裁

閻錫山 百川

副總裁

趙戴文 次隴

徐永昌 次宸

常務委員

郭象升 允叔

馬駿 君圖

陳敬棠 芷莊

委員

賈景德 煜如

張友桐 曉翠

常贊春 子襄

狄樓海 觀滄

李鏡蓉 亮工

陳受中 乙和

邵修文 竹琴

陸近禮 恭齋

高時臻 福齋

李尙仁 綢卿

甯超武 子高

賈昭德 宜之

徐鴻寶 森玉

任晰 亮哉

常乃惠 燕生

趙正楷 法真

方聞 彥光

顧問
編纂

田九德 玉如

原士才 石民

總幹事

于萬河 霞裳

幹事

焦陽三 養三

范士元 周君

常乃純 价中

校對

武敘疇 洪九

陳秀彥 元生

郭長民 漢鼎

邢淵經 伯涵

劉受福 百之

序

秦君福亭余世交也憶己卯余省覲曲沃時先君子新修邑志福亭在館校讐因獲訂交庚辰舉於鄉同計偕京師又加密焉丙戌則秦君出宰關隴督運金川旋任江沱簿書之暇不廢鉛槧又嘗游衡湘踰吳越歷齊魯燕趙之都所至與其賢士大夫游聲名藉甚詩文日富且出其餘力爲聞見瓣香錄四卷凡山川風俗物產土宜莫不搜訪至於近代圖籍之原委金石碑版之存亡悉證訂確鑿與亭林竹垞諸前輩上下其議論而邪淫鄙倍之談鬼魅神怪之跡無一及焉信所謂闕疑闕殆守約守卓而與順非記醜道聽塗說者異矣余自別君後校書館閣者十餘年雲烟過眼久而輒忘不復省錄今春重來沃邑秦君復示余所作續集六卷自甲至癸長夏無事逐一翻閱如入舊國舊都望之暢然而見見聞聞之不爽也昔江文通有言著書遣日歐陽永叔云自喜文字之間使之娛老古人用心之勤好學之篤端在於是今秦君遂請養之志歸老汾潯

課子讀書不問戶外事獨與余益敦夙好晨夕素心得以賞奇析疑互相快助
其爲樂又當何如耶爰撮其指要而爲之序時乾隆癸丑五月端陽日湘潭年

世愚弟張九鐔拜撰

聞見瓣香錄自叙

書之作也大而明道經世次之修身立命至於詩章之學風雲月露通儒猶鄙之爲彫蟲小技矧夫稗官小說虞初諾皋之類所謂災梨禍棗者耳然賢者識大不賢者識小聖賢所不廢是以說苑猶列叢譚九流亦有雜家比事屬辭用廣耳目不可謂非豎厨行笈之一珍也余少鄙鈍荒於學等於視肉偶有聞見輒筆之以備健忘積而成冊乞養後里居多暇因仿歐陽文忠公六一歸田錄楊文獻公升菴丹鉛錄王文簡公漁洋居易錄等例釐爲甲乙藏諸家塾於戲余年已數開六秩矣於道未聞於世無補斤斤以一知半解學步邯鄲自附識小之列余滋愧矣泥牕覆瓿又何恤焉乾隆昭陽單闕歲南呂月曲沃秦武域紫峰書於笑竹書屋

聞見瓣香錄

甲卷標目

青海碑

霧淞

醫生詩

蘭亭考

蘭亭跋

望海峰

獅子泉

元宵

鳥獸智

陀羅被

兩次鼎甲

張家口

借菴截句詩

出塞圖

嘉穀

岳州府解梅花

呂祖像

從政格言

文魚

禹碑

安南詩

安南神童

芭蕉果

索詩鳥

荷葉魚

拙老人書法

南郭老樹

李杜祠

伎兒鳥

一品泉

夜虹

石刻畫

花秋

瓶花結實

千石譜

孤薄

梁稷辨

高粱辨

雪蓮

岐穀丫瓜

聞見瓣香錄甲卷

山右叢書初編

晉曲沃秦武域于鎬甫纂

青海碑

敦煌太守裴岑碑漢順帝永和二年立高四尺闊一尺二寸在西域巴爾庫爾

即巴里坤

雍正十三年岳大將軍鍾琪移置其地關帝廟中越人倪長襄於乾隆十

七年八月初七日雙鉤以歸後歸於山陰二樹山人童鈺余於乾隆二十七年

五月從山人處乞得用響榻法鉤存其辭曰維漢永和二年八月敦煌太守雲

中裴岑將郡兵三千人誅呼衍王等斬馘部衆克敵全師除西域之疾蠲四郡

之害邊竟乂安振威到此立海祠以表萬世共六十字書法奇拙古老的非漢

人不能但與孔廟史晨諸碑絕不類諸碑皆有波磔此則似篆而不整齊類峭

嶺峯禹碑筆意

按黃長睿云自秦易篆爲隸漢世去古不遠當時正隸之體尙有篆籀遺象或卽此種然不多見

攷後漢書所

載永建二年六月西域長史班勇敦煌太守張朗討焉耆尉梨危須三國破之

袁樞通鑑紀事永建元年十月班勇擊匈奴呼衍王亡走其衆二萬餘人皆降
二年六月班勇請攻西域焉耆王元孟於是遣敦煌太守張朗將河西四郡兵
三千配勇從南北二道擊之元孟降與碑中所載不同卽歐陽公集古錄趙明
誠金石錄等書俱不載因思天下之大耳目所不到無論傳聞失實並有傳聞
莫由者如青海碑乃於數千餘年後留傳人間亦已幸矣歐陽子有云可與史
傳正其闕謬不信然與

如是我聞云後漢熹平中屯軍耕墾得之土中其事里坤海子上關帝廟中屯軍耕墾得之土中其事

不見後漢書然文句古奧字畫渾樸斷非後人所依托又僻在西域無人摹榻
石刻鋒棱猶完整乾隆庚寅遊擊劉存存摹刻一木本酒火藥於上燒爲斑駁
絕以古碑二本並傳於世賞鑒家率以舊石本爲新新木本爲舊與之辨傲
然弗信也以同時之物有目睹之人而真僞顛倒尙如此況於千百年外哉

霧淞

霧淞寒霧着樹冰結如絮也予於乾隆壬午見於浦正月上元夜大霧四塞詰
朝廷樹枝條作栢葉形晶瑩射目恍覩玉樹簷際龍絲垂垂成珍珠纓絡狀又
不減瓊樓急步郊原一望則瑤草滿地玉林森森如蓬閬矣因憶曾南豐集云

齊地寒甚夜霧凝於木上日出颼滿庭堦尤爲可愛遂作詩云園林初日淨無風霧松花開處處同記得集英深殿裏舞人高插玉籠鬆東坡詩云祇有千林鬢鬆花注齊人謂之霜松楊升菴亦有詩其序云韻書謂之凍洛洛音索冰著樹如索皆謂此也齊地以爲豐年之兆

書影春秋成公十六年正月雨水冰木冰亦曰樹介亦曰樹稼謂寒甚而木冰

如樹作介冑也諺云樹若稼三公怕徐君義曰麥淺則爲霧凇寒甚則爲木冰樹介霧凇兆豐而木冰兆凶也

醫生詩

醫生南人稱爲郛中北地呼作大夫吾師德慎齋先生保曾咏詩云名堪齊五穀實本謝三閭指載出疆質囊存爲政書曾難分上下不必召旌旗孔訓真能守無行不駕車句句隱語結句更切都下醫人習氣真堪絕倒

蘭亭攷

蘭亭真跡隱臨本行於世臨本少石本行於世石本雜定武本行於世何延之記云右軍書此時乃有神助

書於晉穆帝永和九年時與親友四十人修禊於蘭亭右軍時年三十三歲及醒後他

日更書數十百本終無祿襪所書右軍亦自珍愛此書付子孫傳掌至七代孫

智永禪師

智永子徽之派也舍俗為僧居越之永欣寺

永付弟子辯才太宗求之不得

太宗收羲之真蹟至三千

六百紙唯未得蘭亭

乃遣監察御史蕭翼以計取之太宗歿殉葬昭陵及唐末溫韜盜發

昭陵其所藏書皆剔出取裝軸金而棄之於是魏晉以來諸賢墨跡遂復流落

人間然獨蘭亭亡矣前輩之言云爾又張芸叟云

張舜民號芸叟邠州人

靖康

宋欽宗年號

中

有得蘭亭真蹟者詣闕獻之半途而京城破後不知所在此真蹟之本末也按

劉餗傳記與延之不同劉謂梁亂出在外陳天嘉

南朝陳文帝年號

中為永所得大建

陳宣帝年號

中獻之隋平陳或以獻晉王王即煬帝帝不知寶僧智果借榻因不還

果死弟子辯才得之太宗見榻本驚喜使歐陽詢求得之以武德

高祖年號

二年入

秦王府高宗以蘭亭殉葬太宗從褚遂良之請也又前輩謂行間僧字為徐僧

權縫吳傳朋家古石本僧字上又有一察字當是姚察如此則劉說似可信

然梁武帝收右軍帖二百七十餘軸當時惟言黃庭樂毅告誓何為不說蘭亭

此真跡之異同也太宗既得真跡乃命供奉榻書人趙模韓道政馮承素諸葛貞四人各榻數本以賜皇太子諸王近臣歐陽率更褚河南褚承庭誨皆曾臨搨傳之本朝者蘇舜元家所藏褚河南臨本也藏之館閣後有崔潤甫李後主徐鉉題者唐儒臣所臨也藏之鄧洵仁家後歸米氏者諸葛貞所臨也周越所藏者唐名手傳搨本也蘇舜欽胡承公所藏者唐粉蠟紙本也夔頃年亦嘗見褚河南臨本但紙墨皆晦未敢斷其真贋此臨本之本末也若石刻則有智永臨本見於周越法書苑褚庭誨臨本見於山谷跋唐勒石本見於天禧

宋真宗
年號

中僧元靄進唐刻本在泗州杜氏家集古錄四本其一流俗所傳其二得於王廣淵其三得於王沂公家與定州民家本無毫髮之異其四得於蔡君謨家自以爲盡於此矣厥後京師別本刻定本咄咄逼真成都刻蘇氏本洛陽張景元廟地得石本此本獨無僧字米元章父子自刻板本號三米蘭亭今諸本皆罕傳而海內妄刻無慮百本獨定武見重於世耳此石本之本末也自昔相傳以

定本爲歐陽率更所臨石晉之亂契丹自中原輦寶貨圖書而北至眞定德光

死遂棄此石謂之殺狐林本

困學紀聞殺狐林在樂城縣唐屬趙州後屬眞定紀異錄云林內射殺狐因以名之張元

忭紀作殺虎林

慶歷

仁宗年號

中土人李學究者得之不以示人韓忠獻守定武李生以墨

本獻公公堅索之生乃瘞地中別刻本以獻李死其子乃出石散摹售人每本

須錢千好事者爭取之其後李氏子負官緇無從取償宋景文爲定帥乃以公

帑金代輸而取石匣藏庫中非貴遊不可得也熙寧

神宗年號

中薛師正出牧其子

紹彭又刻副本易之以歸長安斲損湍流帶右天五字以惑人碑目云斲損再

刻以爲識殊有典刑予嘗得損本較之字差肥而刻畫明白此說信矣大觀

徽宗

年號

間詔取薛氏所藏石龕置宣和殿內丙午寇至與岐陽石鼓俱載而北矣或

云嘗置艮嶽瑪瑙亭亂後宗汝霖居守東都得以獻思陵維揚南渡倉卒失

之後向子固帥淮南密旨搜訪冥索不獲此定本之本末也王性之云慶歷中

宋景文帥定武有遊士携此石死於營妓家樂營吏孟水清以獻子京愛而不